





62

RECTOR
ACADEMIAE VITENBERGENSIS,
IO. GOTHOFER.
BERGERVS,
D. THERAP. P. P. ORD. MED.
SENIOR, et h. t. DECANVS,
CIVIBVS ACADEMICIS
S. P. D

62

IBat ovans animis Alecto, Vindice dirum
 Per scelus enecto. quacunqve cruenta ruebat,
 Gorgoneis vultus iactabat crinibus angves.
 Ore dabat flammam; flammam incensa vomebant
 Lumina. pestiferum glomerabant vsta vaporem
 Gutturam, qui caecae noctis caligine caelum
 Velabat. dextra flagrantem fumea tedam
 Vibrabat, quibus exagitantia mortalia corda
 Vertit in omne nefas. laeva Lernaea tenebat
 Monstra, quibus septem vivebant vda venena
 Colla, nec ingentes cessabant sibila linguae
 Despumare. caput viridi religarat Erynnis
 Cespitem, victricem simulans. sic turbida victis
 Errabat terris. impresso forte colonus
 Vomere eum profcindit humum, respexit, & amens
 Concidit aspectu torvo. pavere iuveni
 Ad iuga Tartaream faciem, tremefactaque vasto
 Pondere congemuit tellus. erat altus, aperto
 Aggere permunitus, apex. hinc liber abibat
 Prospectus late. quo pestis fusca volabat,
 Ordine quo posset captas percurrere gentes
 Constitit, ardentemque ferox circumtulit orbem,
 Et laetans, Erebi tot cedere regna rapinae,
 Exiliit, votique potens vestigia pressit.
 Improbam sic versat: feci, quam crederet Orcus,
 Maius opus. vici, quem magni regia Ditis
 Horrui. heu nobis quos luctus iste ciebat
 Nuncius, ut genitum memoravit virgine, nostras,
 Culmine deiectas, Vltor qui verteret arces!
 Hic iacet, & mirum, dilecti fraude clientis
 Proditus. assertor redimendi cuspide civis
 Confossus perit. clavo terebrare trabali
 Non timuit dominum servus, non tendere passis.
 Ad ventos manibus. ventura stupefcite saecula,
 Numen homo necuit! stetit at victoria nostris
 Auspiciis. ego sum, piceis quae prima furentem

Accen-

Accendi facibus iuvenem, lapsamque sub ima
Viscera nutrivit flammam. me vincula rupit
Iudice promissae fidei, me verba docente
Confinxit, potuit me convestire magistra
Arte dolos. illi socii fulgentia coetus
Arma ministravi. tanti dux incluta facti
Vna fui. posthac Erebo famulabitur aether,
Pigra dies nocti. fractis succumbet Averno
Cornibus Euphrates, Cocytum quaeret Iberus
Supplex, carbaseoque sinu stipendia Nilus
Conferet attonitus Phlegethonti. vineta catenis
Colla trahens rigidis Acheronti serviet Ister.
Quid moror? aut nondum pulsi monumenta doloris
Cur statui campis? sed manes ire sub imos
Praestat, & exacti decus expectare laboris.
Exigit haec secum, tandemque superba profatur:
Quicquid habent umbrae, superas immitis ad auras
Eliciam. fixos gestent onerata dracones
Arva. iugis monstrent servos fumantia fines
Signa. gemant colles, sed crescat laudibus Orcus
Desiit. & foetis stridentes angvibus alas
Concutit Alecto, delapsaque vertice, rerum
Nuncia, festinat. spectat progressa sepulcrum
Nobilis Herois, qui terris venerat alter
Alcides. tremuit nomen, cunctansque volatum
Haesit, & acta fuga monumento terga dedisset,
Ni propior magnis strepuisset fletibus aether.
Vir pius excisam, suspensio fornice, rupem
Aptarat tumulo, caesique rigentia membra
Vindictis intulerat. bustum celebrare frequentes
Virtutes. lapsum ceu flent Phaethonta sorores,
Astratae cineri. Pietas a corpore vestes
Discidit. it laniata genas Astraea. capillos
Haestenus intacto Clementia vertice traxit.
Stant aliae turpi consersae pulvere, palmis
Pectora conqvassant aliae. descendere rivos

Ex oculis videas, lotumque immèrgere corpus,
 Illa querebantur miserae: cadit Vltor, & omnis
 Gloria virtutum. cur, spreto Vindice, tellus
 Impia, te perdis? cur saevo funere vitam
 Obruis ipsa tuam? te faucibus hauriet Orcus.
 Auribus accepit tristis dea flebile carmen,
 Et terrore novo statuit percellere moestas.
 Protinus accurrit, dictisque ita fatur acerbis:
 Maturate fugam, nostris decedite regnis.
 Defensor cecidit. spes est absumpta salutis.
 En repeto manes! dirarum ab sede sororum
 Vincla manu lethumque feram. stipata redibo
 Harpyiis. veniant, quas horrent Tartara, pestes
 Talibus Alecto dictis exarsit in iras,
 Et lymphata ruit. gelido sed sanguine friget
 Exanimata cohors. tot sese torfit in ora
 Progenies noctis, tam voce minacia fudit
 Verba. simul Pietas sese collegit: abite
 Agmine pullato, coepit, deserta ferarum
 Quaerite. vos ducam, gnatae. mox horrida pallens.
 Classica turba canet. minus at si tuta putemus.
 Antra, sub aequoreo poscamus marmore Tethyn.
 Quid loquor? aut promissa poli quae turbat imago?
 Affectata Stygi non est metuenda tyrannis,
 Si iussus tumidos fatali calce colubros.
 Tundere, femineo qui cœtus femine terras.
 Assereret. fatius fuerit, conscendere caelum,
 Promissique monere Deum. succedite vectae
 Ad Superos matri. precibus memor annuet aether.
 Haec ubi dicta, fugit genitrix, gnataeque sequuntur,
 Confectae lacrymis. qua vadunt, insonat aer.
 Luctifico planctu, percussaque sidera plorant.
 Ut caeli tetigere fores, folioque Tonantis
 Procubuere, parens hos rumpit pectore questus:
 Mittere si terris, pedibus furiale draconis
 Qui caput obtereret, decresti; fingere mentes,

Si no-

Si nobis fas est hominum; si, carcere septas,
Gorgones includis, violent ne sordibus auras:
Accidimus genibus, non ut, Pater Optime, nobis
Terrarum tribuas sceptrum, quod constitit olim
Imperiis nostris. sed tanta superbia victis
Abfuerit. petimus, ne nostras deleat aedes
Impetus Eumenidum, trepidas neu perfurat vrbes
Clade nova. frenis bacchatur cruda solutis
Alecto, laetumque canit paeana. subactas,
Vindice propulso, tot monstris territat oras.
Pro scelus! illa fuit, vesani pectora Iudae
Quae stimulis acuit nuper, populumque quietum
Egit in arma, suas quo spes extingveret orbis.
Cynthus aspexit, versisque repente quadrigis,
Infandum fugit facinus, merisque tenebris
Purpureum lumen. valido concussa tremore,
Mugit ex adytis tellus, sonitumque dedere
Diffusae, penitus divulso pondere, cautes.
Sic luctum, testata Deum, Natura peregit,
At longe Alecto submoto audacior ire.
Obice. terrarum dici regina volebat.
Iamque ciet manes, iam, quicquid palluit Orcus,
Evocat. heu furiae terras rapiantque ferentque!
Mox triplici valvis obductas angve secures
Efferet ambustus lictor. mox fervidus hostis
Sub iuga curvatis mittet cervicibus orbem.
Quod secus ut fiat, disiectas fulmine moles.
Ad nihilum redigi malis. nec dicere plura
Effusae fierant lacrymae. tremit icta sonoro
Tum suboles gemitu, longumque per alta volutat
Atria ploratum. versantur viscera tanto
Caelicolis motu. nullius conscia metae
Vis fremit, & nunquam simili commota tumultu,
Visa tenere iubar suppressa Gloria luce
At Pater omnipotens Erebi contraria fata
Cum nosset, curas his coepit demere dictis:

Pergite victrices Erebi. subsistite palmis
Vindicis adventum. tortos iam calce dracones
Elisit Domitor, iam debellata triumpho
Agmina circumaget. sic terras vindicat aether.
Dixit, & aethereum proflavit nare vigorem,
Qvo fessas refovet vires, senioque iuventam
Excluso reparat rebus, sedatque dolorem.
Hoc vbi restincto redierunt gaudia luctu
Astra deae linqvunt hilares, celeresque recedunt
Ad tumulum. nusquam deflectunt lumina coelo
Nec minus Alecto properat, licet illa, vel illa,
Insistens caleat loca noscere. fisa tropaeis,
Tendit iter, longe qverulo cum fessa Megaera
Exululat fremitu. tritis cervicibus, hydrae
Demisere caput. concreti sanguine crines
Contusos verrunt humeros, manatque cruore
Informis facies. quassis vix ossibus haerent
Brachia. succiso remorantur poplite gressum
Vulnera. cum vidit laceram secura, sororem
Haud soror agnovit. sed primum faucia clamat:
Qvo moritura meas? latebris nunc abdere mecum,
Si fatum differre studes. fuit Orcus, & ingens
Vis Erebi. fusus languentia terga resolvit
Cerberus. est aequata solo domus ignea Ditis.
Heu soror infelix! cur funere funera nobis
Tanta paris? nuper qvo lamentante, triumphas,
Hic tulit Alcides raptos ex arce dracones,
Hic veniet spoliis pereuntis onustus Averni,
Hunc fuge Victorem mecum supposta cavernis.
Finis erat dictis. & plagis aegra Megaera
Praecipitat connixa moras. sed proxima saxo
Duruit Alecto. riguit cum sanguine sensus.
Reddita cum primum mens est, exhorruit omni
Corpore, Victorem pavitans, cedamus, & infit,
Vltori. pariter timidae vestigia torquent,
Cimmeriaeque tegunt speluncae membra recessu

Decli.

Delituere specu dirae, cum missa per auras
Pax volat, & spissas dirimit caligine nubes
Sidereo vultu. dextra praetendit olivae
Auricomum ramum, sed laevam frondibus implet
Palmiferi nemoris. lauri caput orbis inumbrat.
Aethere sub medio contendit voce canora:
Sumite, mortales, animos. timor omnis abesto.
Vltus avos domito Leo dispulit angve periculum.
Sic ait, & palmas terris proiecit, & omnes
Deseruit visus. at ter, qva porrigit artus,
Emicuit tellus. frondes legere sorores,
Custodes tumuli, qvo plectant fronde coronas
Vltima iungebat palmis Concordia fertum;
Ecce novus fulgor magnum transcurrit inane,
Auditurqve procul lituus. stetit excita turba.
Alma Salus, placidaeqve altrix Pax fausta quietis,
Praecedunt, ambae redimitae tempora lauro.
Insequitur ditata phalanx. hic aere tralicem
Loricam trahit, hic clypeum ferruginis atrae;
Ille tenet putri vexilla fluentia tabo.
At galeas alii referunt, imbutaqve caede
Arma tot, et tot tela, quibus pugnaverat Orcus.
Exhaustae portantur opes plorantis Avernii.
Has subeunt duris stricti post terga manipuli
Nodis. cum genitrice gemit Mors langvida Noxa.
Pallidus incedit nexo cum fratre Pavore
Angor, et ereptis Pluto vix fascibus hiscit.
Apparent iuvenum rutilantes igne catervae.
Cornua pars inflant: pars verberare tympana caedunt:
His buccis lituus sonat; illis buccina rauca.
Ipse triumphalem, perfusus sidere, currum
Victor agit. gaudet niveos hinnire iugales,
Atqve manu crispans splendentem sustinet ensen.
Fronte gerit laurum. caput expuit vndiqve flammam.
Exurgunt, bona Mens, sinceraqve Gaudia, miti
Et Spes freta Deo. comitatum deniqve fando

Quis

Qvis narret, factu quem miserat agmine caelum?
 At cum prole parens obtutu servat in vno
 Magnificam pompam. Victor processit, & illum
 Cernua prostrato veneratur corpore turba,
 Confurgensque pio proVectum carmine laudat:
 Funde novos flores, candentia lilia funde,
 Funde rosas, tellus, omnemque aestatis honorem
 Insolito propera partu. fac, fronde corollas
 Artifices texant Nymphae. dabit Amphitrite,
 Caerula Cymothoe quas efferat aeqvore, baccas.
 Quae nulli meruit victori ferta triumphus,
 Heroi disperge tuo. quo lumine clarus
 Titanis superat radios! augustus in ostro
 Quam sedet! illustri quam gestit ovare paratu!
 Quas agit invictus praedas! quos colligat hostes!
 Hostes, terra, tuos. Erebi spectacula casus
 Exhibet. o terris quondam illaetabile tempus,
 Quo subiecta dies nocti, lux mersa tenebris,
 Libertasque iugo, quo spes collapsa timori,
 Vrgentique salus damno, victoria cladi,
 Vita neci, parent. mortales, tollite pressos,
 Tollite nunc oculos, repetitos tollite plausus;
 Laetius illuxit, lacrymabile transiit aevum.
 Haec aetas revehit vobis Saturnia regna.
 Cernite, quam puro Phoebus candescat ab ortu!
 Aurea quam vigeat libertas! spesque timorem
 Vt domitet, damnumque salus! victoria cladi,
 Vita neci dominatur. eunt iam flumina lactis,
 Flumina iam largo turgescunt nectaris imbre.
 Rex idem, qui Victor, erit. laetemur ovante
 Principe, Virtutes. hoc, tellus, Vindice gaude
 Conticuit chorus, & quae struxit palmea, fertis
 Victoris sparlit tumulum. respexit at aras
 Hic Pietas, monitumque, homines affata, reliquit:
 DIGNA SALVTARI. DEPONITE. DONA. TRIVMPHO

P.P. IN ANNIVERSARIO PASCHA SACRO. A. c. l. v. C. C.



